

王太初先生五岳遊草

王太初先生五岳遊草卷五

章安馮甦再來重輯

男永年硯珍  
姪大位行素  
全校

○蜀游上

記四首

入蜀記上

左太冲賦蜀都王右軍嘆彼土山川多  
奇恨左賦未盡乃致意岷山汶嶺思得

一至及讀陸務觀蜀游記范致能吳船  
錄益脉之爲乃今得與元承劉君擁傳  
以往搜奇履險大益昔賢所未聞見效  
陸范二公記入蜀三篇俟它日老而倦  
游取枕上輒讀一過

古稱益州天府。至明興則四川轄也。汧渭之墟  
本秦屬。乃自昔以爲入蜀咽喉。故益明鎮在焉。  
記入蜀者當自寶鷄始。寶鷄古陳倉縣也。七月  
四日乙卯。出縣南門度渭水十五里至鎮。閏丑

喜故宅在焉。下太華走秦川。即武功太白黃土不毛。至此乃見青山。沿溪直入白石壘。可挹午飭。稽留鋪後。又十里而登山。則入棧道矣。高坪插雲。顏以陳寶重關。即大散關也。關下水北流入渭。南流入漢。堪輿家謂為中龍過脉云。晚宿凍河。則下平坂也。虎豺晝夜伏道傍。二十餘步。則起獨樓。雜以檻穽。即二三烟突聚落。亦斫木為城環避之。○丙辰。飭東新店。始過偏橋。踰絕處。插杖崖壁間。偏山架木。下臨白水江源。始

真棧也是日宿草涼驛。明午過百歲邨。遠望山  
下一屯。云鳳縣解鞍焉。自寶雞至此。覆屋咸以  
板真。西戎俗矣。又一宿上鳳嶺。上下五十里。嶺  
南北水各入白水江。晡投三全。三全者一太鳳  
一去褒。一太郿也。郿道在叢山枯壑中。衆謂孔  
明出斜谷即此。○已未。發三全十里。水自松林  
北流。亦合白水。午抵陳倉口。路嶮巖。僅容單人。  
西行二百里。可經達沔之百丈坡。韓淮陰明修  
棧道。陰度陳倉者是。又三十里至松林宿驛。始

凍河咸軍夫以百夫長之軍多故絕而車徒  
絡繹甚苦。猷松林治以廐置長猶軍民半也。陳  
君槩題驛牆流水橫橋帶石田。懸崖茅屋起青  
烟。松林嶺壯多寒谷。春色隨人到柳邊。青松丹  
峪翠峴遮路轉。山回石磴斜。春日陰。鷄唱午。  
隔溪西畔有人家。○庚申行十里上柴關五里  
至其巔。復下十里為紫柏署。前列雙峰。左山深  
處有寺。樹石蒼翠錯落。棧中第一勝地也。出署  
平砂如砥。晴雨皆可入。此地青山夾馳。綠水中。

貫豐林前擁疊嶂後隨去來杳無其跡倘非孔  
道真隱居之遠矣。關上流壯仍白水南入黑龍  
江。○辛酉發留壩。餘武關則悉隨黑龍江南矣。  
水深處約二丈餘。然皆巨石激湍。漢張湯歆從  
此通漕于渭。不知當時水石何似。時有小鷗鷺  
千百為羣。飛水際立磐石上。為注目久之。入馬  
道宿。雷雨大作。信宿乃行。過青橋岑嶽難步。又  
三十里而上七盤。盡為鷄頭關。一石如雞冠  
起通漢。下俯江水。出白石盆。兩崖突兀為出棧。

最奇處。鄭子真耕焉。稱鄭谷也。下坡陁則宿禳  
城。○壬戌飯黃沙。涉漢水行。將至沔。入謁孔明  
廟。墓在江南十里。定軍山。風雨不成行也。次日  
蒔沔。飮沮水上。沮入漢處。其水自略陽來。時雨  
大注。大安河不得渡。乃再留青陽。自沔至青陽。  
緣江亂石無路。乙丑達金牛。○丙寅早肅。入謁  
禹廟。廟前水涓々。則漢源也。此去壻冢尚餘百  
里。水初出名。漢又名沔。故云沔漢一水。又禹貢  
云道壻冢。自漢然大安河來。略陽更大而遙。不



知何以表漢爲源。或以播家故也。再十數里入五丁峽。則石牛糞金處。峴頭高聳直天。中盤一壑。石躑躅塞路。真若斧鑿所餘。過栢林驛。又十里而抵寧羗州。前高陵大麓出南門半里許。山兩乳下垂。城其上。黃壩水自西南來。達城北。趨東南。接五丁峽。流入漢。是日駐寧羗。次日止黃壩。○戊辰行十餘里。過溪。南見樹二棹楔。則秦蜀分矣。南峴有閼。杜陵云五盤雖云險。山色佳有餘。今益之爲七盤。一宿神宣而發。循溪

善形  
容

行遠見石。巖橫闊溪流。乃其下一洞如堂。皇穿山而過。稍見天。又穿一石。如是者三。乃出谷。水落時可躡石而將。名乾龍洞。舊有龍在洞口。石山圓如車蓋。百丈頂又起一石如浮圖。大奇也。下山則見嘉陵江。度峭壁為明月峽。其上則朝天嶺。上下約之十餘里。若度重霄矣。下宿沙河。○已巳後。并佛崖下至廣元。即古利州也。自是繇嘉陵挈舟行。一日泊昭化。一日艤虎跳。一日倚棹蒼溪。癸酉乃至保寧。自廣元至府。湍流捍

急舟過處左轉右迴彷彿剡川之曲紅崖青草  
又自可愛保寧江環三面南對錦屏山即純陽  
所游非宜城也蓋呂詩有君平川云傍有三陳  
書院○甲戌出保寧又行大山中不斷至漢州  
乃止然皆大道刻石平麓即村落市鎮皆然是  
夕息足柳邊乙亥于鹽亭丙子于潼川丁丑于  
建寧戊寅于古店緣保寧而來館穀輿馬之供  
往往出自軍伍如隆山富村秌林建寧古店類  
沃阜秌林諸生至百人小邑不如也郡邑止潼

川中江為最。其地在，有鹽井。民居視水脉。鹹  
處掘坎如斗，深四五百尺，以爪錐鑿其土石，起  
之用。二竹大小相貫，吸水而土以煎。下古店過  
新都，則入平川。所謂沃野千里者，蓋流渠走水，  
不能以十畝遠。至牟彌鎮，孔明八陳在焉。石卵  
埋灌莽中，成百二十八聚，有門有伍。土人竊其  
地種植者，犁平之，久復隱，隆起亦神矣。余与  
元承各取一石而行。以八月二日癸未，按轡于  
相如駟馬橋上，會藩臬大夫与直指何君而入。

成都

入蜀記中

入成都以六日丁亥鎖關。九月辛亥朔。歌鹿鳴饗士。後藩司大門右。見高阜為武擔山。昔五丁為蜀王擔土成家。舊有石擔。今不存。前數十家一窪焉。書楊子雲墨池。洿不足觀。亦即其宅也。次日詣蜀藩朝宮。關鹵簿。視我朝廷不啻半之。其國人多能道吾鄉正學先生教授時事。○乙卯。詹牧甫約為浣花之游。乃与元承自中和。

門出。過萬里橋南。昔贊禕使吳。諸葛孔明送之。  
曰。萬里之行。始于此矣。杜子美亦云。門泊東吳。  
萬里船也。江流遶雉堞如靛。即村舍。扁扉田塍。  
溝瀆。無非流水。蓋秦守李冰之績云。冰從灌口。  
鑿離堆。引岷江以入。今流百道。溉田千萬頃。遺  
跡依然。水上林木翳映。在所皆佳境。西行十里。  
遙見萬綠叅天。其色欲流。則青羊宮也。老子謂  
尹喜曰。尋我于青羊之肆。有古銅羊。築宮穴地。  
得之。翬飛鳥革。制歸然起。後為講經臺。出宮西。

度小橋。扁緣江路。入謁武侯祠。問老柏。化去久矣。祠前即浣花溪也。以夜不得至草堂。溪有月。洲。聯舟而下焉。泊于水月樓下。聲樓。命琴僧彈落梅一曲而太。○戊午與元承至大慈寺。閣高數丈。望城中盡。僧出佛牙一具。大於拳。色瑩黃。如余家所藏佛頂。次諸葛井。甃甚工。腹尋丈。十倍於口。志稱孔明鑿以通井。絡王氣。或然。此皆城東隅也。出城過濯錦橋。三里而至薛濤井。水味甘冽。異于江泉。淬為箋。比高麗特厚而瑩。

名薛濤。箋濤一妓。留其名。至今也。西行五里入  
中園。則蜀國奉御輦夜臺路。傍植高栢。摩空差  
勝。無他奇。復南數里。至昭烈陵祠。先主武侯配  
以關張。北地王。諸葛。瞻。傳。僉蜀都忠義可想。坊  
名際會殿。稱明良。陵在殿右。登陵城內外俱在  
盼中。又西三里而至五塊石。礫石疊綴。若累丸  
然。三面皆方。不測所自始。或云其下海眼也。昔  
人啟之。風雨暴至。余奇之。書落星二字。請于中  
丞亭其上。又西數里。上昇仙橋。過青羊不入。乃



導浣花潭。水急織流。成花紋。浣花濯錦之名。意起此。謂神僧洗足流花者。附會矣。先與牧甫。篝燈至無覩。至是行溪邊。挹景物。真如在畫圖中。右為工部草堂。內碑多。周公瑕手筆。後有乾坤一草亭。日暮王穉玉携觴至。相與放舟而歸。○已未重九節。成都故無山。每登高于城東西角樓。時直指邀于東樓中。丞則西。樓為錦江春色。從者掇黃花佐酒。絕勝也。○庚申直指君復約登艸堂。乃由城西隅至君平賣卜處。今

為真武宮。前尚勒碑存古蹟也。再西至石犀寺。一石立殿左。牛形又似未成琢者。或云李冰所作。然冰鎮灌口。非此也。成都故多水。是處為石犀鎮之。城東有十犀九牧。立于江邊。可按佛座下一井深。蓋不測。水不減。薛濤又西至支機石。入使星亭。石正方長。與人等。中一淺窩立亭中。乘槎事。恐好事者寓言。無論此非天河石也。出城西門五里。尋相如琴臺。止田間。培塿樹數株耳。志稱文君宅。然王孫乃居臨邛也。豈其賣

五岳遊童  
車騎分家僮而來歸此乎。踰樹一坊為琴臺徑。  
傍為老子度人觀。後小徑仄逼。趨青羊復入草  
堂。蓋三至矣。滿地青菽紅莢。秀色錯出。云錦城  
不虛也。業已盡攬城內外諸神臯奧區。乃以十  
日癸亥解纜而南。

### 入蜀記下

時諸大夫餞于江臯。王穉王詹牧甫復至舟中。  
遂泊焉。次日甲子。行次木馬驛。猶然丹山綠水  
也。一宿而過彭山。再宿而過眉。三宿而入青神。

遠令  
龍眠  
老居  
士拂  
乾綳  
脾觀  
不能  
到

之中。崑崙。中崑崙。去縣十里。峙江之東。上水月樓。俯  
長江。袂抱。曾次。洒然。下樓。傍溪。入東北里許。青  
壁。十仞。下瞰。細流。為喚魚池。僧呼。則魚出。過橋  
上丹礚里許。為羅漢洞。崖頭刻佛像。數千。天前  
里許。為玉泉亭。泉自崑崙出。冷也。坐泉上。久  
之。幽懷。入夢。恍然。身在層城。閬風間。又度小橋  
而南。則中岩寺。左穿虛岩之懸。構數十楹。為  
伏虎崖。前厯飛閣。峙石如門。有諾詎那尊者  
陶像。倚焉。稍轉過之。為三石筍。則牛頭僧擊木

尋詎那處余登臺為書問月二字則上岩也再  
躡石磴百級石臺與筍齊名觀佛臺又數十級  
上藏經閣又百餘級北至蔚藍天界亭古松一  
株偃蹇蚪屈見江水在松稍內山左右抱平疇  
大道殊不似山巔也稍轉又二石筍而小則稱  
石筍分支處山溪可望仁壽富順井硯昔蘓長  
公艤舟欲登惜為僧詒以嶮而止○丁卯至嘉  
定州在川雅二江合處東一山為凌雲寺九  
峰環峙左為東坡墨池又為註書臺上聖江

流有聲。三峨隱。在雲霧間。絕景也。東下石崖  
萬丈。倚江刻彌勒像。高三百六十尺。又東南一  
山。子立水面。為烏龍山。則郭景純註爾雅處。凌  
雲茶。蜀中稱佳。次日太峨眉。別有記。○癸酉還  
自峨眉。宿犍為。犍有油井。其水見火即燃。次日  
泊下壩。乙亥至叙州。李臬副邀登翠屏山。岷江  
後。纏馬湖。江前遶之。合于城東。岷江清。合馬湖  
始濁。丙子過南溪。止江安。丁丑過納溪。止瀘州。  
瀘江左岨也。城東為岷江。北為資江。又合焉。戊

宣止合江。己卯在江津。○唐辰過銅鑪故驛。居  
民蔽塹。環石躡江。竹樹蔭岩扉間。景色堪畫。又  
過落鴻市。連山岩岩亦奇也。晚宿重慶石城天  
險。依岩而立。過處石脉如蒂。而嘉陵岷江合於  
東。其縣有巴峽。及溫陽峽。登朝天樓。瞭然在目  
也。次日宿長壽。則十月辛巳朔矣。○壬午過李  
渡。蜀雄鎮也。烟火千家。南通播貴。為估客往來  
停舶之所。晚次涪州。○癸未達鄴都。上平都山。  
道書第十八福地也。山橫峭圍邑後。唐斷碑五

段書洞天道山字置山門。漢王方平陰長生于  
此。上昇亭塑二仙圍碁像如生。因憶乙酉春北  
仙別余詩云。相別都門下。相逢益水邊。平都江  
上路。晴日錦帆懸。固知人生行止有數也。○甲  
申次忠州。次日過曹溪。十里有石躡山頂。高十  
數丈。濶倍之。遠望如天柱。為石寶寺。是夕宿萬  
縣。又次日發過周溪。至巴陽峽。長二十里。是  
夕抵雲陽。即古雲安也。隔江為張桓侯廟。祭而  
後發。先是漁人洪穆之家。得飛首以塑土像腹



中像故像也。二家即食廟中土為祝。今其子孫尚存。○丁亥至夔府。上城東觀圖亭。視八陳石在魚腹上。左右八磧。其一尚在明滅間。謂六十。四蘊者。非左復壘石為城形。元承誦江流石不轉。句似為武侯飲恨者。余乃酹酒于侯廟。曰。即今日江山已非漢室久矣。侯何恨復咲而下城。東一水為左瀼。數里為杜公草堂。又數里有城。跨二山。猶古白帝城也。問舊栢柱無存矣。左山昂據為赤甲。對江為白鹽。江水奔流如在石罅。

故自  
不減

中。出。下。白。帝。一。石。堆。巖。然。踞。瞿。塘。口。為。灩。澦。盛。  
夏。雪。消。水。沒。灩。澦。頂。如。象。馬。則。峽。封。舟。茲。已。出。  
水。二。十。丈。舟。安。流。過。其。下。漸。入。削。壁。開。蓬。仰。天。  
一。線。昔。人。謂。非。亭。午。不。見。日。景。固。然。數。里。石。刻。  
成。窗。見。箱。形。俗。稱。風。箱。峽。即。瞿。塘。峽。二。十。里。出。  
峽。夜。宿。巫。山。高。唐。觀。在。縣。西。山。頂。上。○。已。丑。發。  
巫。山。二。十。里。復。入。峽。中。峽。更。奇。峭。石。末。遠。見。明。  
星。迫。視。之。隙。光。也。土。人。呼。彈。穿。峽。出。峽。謁。神。女。  
廟。石。壇。上。偶。剝。蝕。殆。盡。何。嘗。無。神。鴉。送。客。也。廟。

正對巫山中。峯屏立兩翼。如刀戟成。巫字與江  
水稱已同。其他十二峯各有名。不能盡識也。過  
此崖壁方者。銳者小者。躡者傾欹。墮者爭相獻  
奇。夜宿巴東。邑據山亦壯。庚寅下巴東。至歸州。  
即古秭歸也。以屈原姊女嬃而名。州前石銘利  
矛立。水涯成盤渦。舟入不出。名吒灘。亦名人鮪  
甕。黃魯直謫涪云。命輕人鮪甕。頭船行近鬼門  
關。外天今諱之。改瞿門。關在巫山砦上。過州二  
里。為蓮花灘。又為石門灘。又十五里。為香溪。范

成大謂溪中魚洞生成。幢幡日月仙獸之類。天下岩竇巧莫過之。惜舟急不得至也。再過為歸峽。即兵書峽。長十餘里。兩崖如巫峽。出峽口為新灘。二灘上下浪激如飛。震雷晝夜鳴。每一舟下灘。後舟始發。恐卒遇于石。鑄難解也。嘉靖間山崩而成。故名新灘。余宿于灘上。次日盤灘而下。三里阻石尤風不進。再過一峽為馬肝峽。出峽十里為空舫灘泊焉。○壬辰謁黃陵廟。後山數疊如屏。舟人指其中疊有丈夫牽牛道。

水影則黃牛神也。孔明魯誌其事于廟：左右石壁環江，排列數十里，如芙蓉城。記云：朝見黃牛，暮見黃牛，三朝三暮，黃牛如故。廟前灘聲，雨色幽寒逼人。又過石牌峽，黃金藏皆在峽中。再過南井關，則至州：稱夷險至此平也。州守殷無美謂廟有神龜，緣甲具八卦像，如剗削成者。大奇。道人常于石坎呼出之。余乃無緣矣。大約川江行三千里至夷陵，都如從石峴出。三峽中視之較顯。余行以霜降，水涸，不遇險，不及覩千

永色  
詞華  
通入  
神境

里一日與榜人舟子擊汰鳴榔絕技乃蜀都山  
川撐拄余腹較左太冲所賦什百倍之元承少  
時曾過此不能憶余乃初至

游峨眉山記

志云寶掌三歲千歲來自天竺指其地為震旦  
第一山與夫觀佛光与西域雪山蓋皆謂峨眉  
云峨山去巴西不遠詢之其人則咸謂七八月  
雪封山僧弛擔弗能上也先是直指何君聞  
余欲登峨已檄邑令除道然亦曰姑嘗試云尔

或又曰秋霖後佛光多不現。余咸為不聞也者。與元承徑趨焉。以九月望後二日丁卯至嘉州。登凌雲挹九山環峙。左憩註書臺。時岷江南流。滾。有聲大渡河。自西來注之。遙望三峩隱。在雲霧間。若招余者。次日發嘉州。廿五里亂流而渡。過蘓稽鎮。午至縣。又西行五里至聖積寺。左重廊翼然為老寶樓。署魏鶴山峩山真境四字。則登峩第一山門也。復過龍神堂。上涼風橋。數里而至一壠。為解脫坡。高山大崖深林巨澗。

度溪橋而聽風聲蓬蓬然水聲泠泠然意戀之  
以夜故促去宿華嚴禪寺已巳旦發寺北首過  
青竹橋轉柵木坪上五十三步一平臺可坐數  
人覆以翠竹為歌鳳臺云接輿避楚而隱地也  
前見一石遠伏山口如舩艚為普賢船又前片  
石踞立路側為大峨石後有石並峙下深成井  
水自石井灑灑出為玉液泉石鐫陳圖南福壽  
二字西入數里為呼應臺則茂真尊者與孫真  
人精舍也北數里倚白雲峰為中峯寺過寺上



大坂凡三望乃至為三望坡下坡抵壑雙溪合  
流障以石山如葫蘆出物楹其背為牛心寺  
僧出真人丹鼎與繼業三藏錫杖焉寺後綠陰  
簇抱蔽虧天日景幽絕不類人間右去過十二  
峯頭為九老仙人洞寺左右為雙飛橋流合  
處怪石礫礫飛瀑怒出其間一石懸峙焉為牛  
心石兩石崖夾飛濤而去余與元承置蒲團石  
上結趺跏坐之聽流水砢洶鳴咽神骨俱寒即  
不能忘死堪忘世此我山之水最佳處也再歷

危磴為白龍洞。兩翼樹楠千本。空翠欲滴。上  
四會亭為白水寺。有宋興國鑄普賢騎白象  
相并。賜袈裟寶環。傍有三千鉢佛。廊廡鱗集。此  
壯麓之窮也。嗣是悉南行。乃始稱登峨。節畢從  
寺後直上一千步。為頂心坡。頂心者。足行與心  
相着也。又一千五百步。為息心所。左右俱瞰空  
壁。又過大小深坑。窮無磴道。板緣峻巖而上。  
五里許。為長老埒。始偏山左行。至驚店。霧雨蒙  
昧。衣袂盡沾濕。披霧復行。竹箭間。兩腋叢合。

差不甚見險。又下深谷如井。為九嶺岡。既下。又起為蛇倒退。又下至谷。乃上糊梯。梯猶言鳥道也。路絕。則倚木棧懸接之。故亦言梯。一步一墮。經十里餘。乃至一坪。為初歡喜。亦稱錯歡喜也。餘罷。又升高餘八里。為木皮店。過此十日。九霜雪。陶瓦。龜折。覆屋以木皮矣。再下谷。將升處。石壁橫亘數十丈。為梅子坡。長與木皮等。至高處稍平。為白雲殿。自白水上白雲。兩崖無倚。俱行馬鬣中也。殿陟崖萬丈。直至觀佛臺而止。緣

寺供  
人等  
等

崖為雷洞坪。崖石卧踞。盡青碧膩理。玲瓏如瑤  
與古楂老樹相盤錯。吼龍虎豹。兩欲鬪。巧崖斷  
處下窺無際。杳然深黑。世傳雷神居之。聞人語  
聲。則風雷暴至。舊樹一禁語。鉄牌下有十二大  
洞穴。人不得至也。過雷神洞而上。長十數里。險  
視。猢猻梯過之。為八十四盤道。傍積雪皚皚。高  
山茶不甚佳。雪可嚼。盤盡則一石穿雲而立。為  
觀音岩。岩前樹抱石而生。藤蘿鬚髮為普賢線。  
岩傍巨石如門。又數折至莎蘿坪。為大歡喜蓋。

有莎蘿花云。過歡喜亭。無險矣。秉燭斜躡而南。至通天堂。又南為老僧樹。兩岐直立。枯而空中。一游僧來定焉。護榮抱為一僧定。故未出也。乃知龍淵慧持之事不誣奇矣。右折二石。轟天開一罅。為天門。石轉而過。為七天橋。蓋猶謂瓦屋九天也。乃趨三殿。頂禮先錫瓦。次銅瓦。上絕頂。為鉄瓦。皆像普賢也。一名光相寺。禮罷。就性天頭。佗宿焉。頭佗年九十。苦行。与之語未了。門外雪復大下。余乃擁楮。披重裘。尚皮毛栗慄。

蓋山中連三夕雪矣。庚午晨起望西山盡霧獨一山衣白巔峴僅咫尺間。詫之性天曰正西域大雪山也。此浩劫積雪不消六月乃益明。去此數千里矣。余瞪目久之。初陽起射雪色更熒。獎人如沁肝膽。即世稱璚樓玉宇不足狀之。又一奇觀也。然目力所窮尚視山而遙。乃不昏雪。豈太陰積氣獨凝結此山也耶。再登鉄瓦殿黑雲覆東方未開。僧曰此山頂霧非雲也。倏開合耳有大重雲在其下。是稱兜羅綿雲。則常住不

散霧已果如僧言現大銀海已復詣通天觀  
大藏寶幢報午矣一僧奔稱佛光現余亟就之  
前山雲如平地一大圓相光起平雲之上如白  
虹綿跨山足已而中現作寶鏡空湛狀紅黃紫  
綠五色暈其週見已身相儼然一水墨影時翳  
吏隨立者百餘人余視無影也彼百餘人者亦  
各自見其影搖首動指自相呼應而不見余影  
余與元承亦皆兩自見也僧云此為攝身光茶  
頃光滅已又復現復滅至十現此又奇之奇也

春夏時有鳥稱佛現。食人掌中。寒不來矣。二黑  
髭尚盤桓欄楯。見人不甚怖。山後岷山萬重。僧  
一一指之。近瓦屋。遠晒經。側為青城玉壘。又縹  
緲中。指火焰葱嶺。余不能悉。餘山則皆累土砂  
塍也。所謂曠然天游者。非耶。已而暝色至。復篝  
燈與元承露坐臺上。因思吾家右軍。動稱栽山  
伯仲崑崙。而竟乏足跡。杜陵詩篇滿巴蜀。而未  
識嘉州名山福地。故有緣矣。元承曰。固然。相携  
俟。聖燈一至。僧云。月明之夕。數十百如亂螢。自



二莪來撲之皆木葉也。茲夕雨氣重隱矣。仍回宿臥雲庵。覽三大師所傳西竺像。文殊普賢。毗鬚觀音大士。則頭陀而髯也。與入中國變相異。僧又出放光石為贈。石色如水晶。生六稜。從日隙照之。虹光反射。余携數顆袖之。辛未早下山。將及雷洞坪。嵐烟踵趾相失。雨纖纖隨之。至白水則云。昨大雨而絕頂乃快晴也。余病渴。亟命寺僧掬飲之。蓋山頂無泉。僅一次受雪水。不堪為食具。范石湖所謂萬古冰霜之汁。不能熟物。

宜其汲水而登也。余識不及此矣。自縣至寺四十里。寺至頂又六十里。蜀山無出其右者。然蜀地又高于天下。地幾許。則我眉與海內山。絜高量短。可知已。白水以上。雨露十二時。無一目霽者。以山高多寒。故初歡喜以上。皆千年大木。卧路側。古苔茸挂。以山饒雨霧。即高山木如生水。中故大歡喜以上。踞皆棧木而行。以四時積雪。土薄滑。不能成踞。故觀音辟支岩以上。皆有光第。不若觀佛臺。以時顯。僧云。佛家以此為大光。

明山至檢華嚴住世品則云西南山賢首居之  
天竺視此非西南也又勝峰亦稱西方而強合  
以名茲山意好事者未思竺震殊方之故而普  
賢道場則又自古記之矣願力顯化理固有之  
或曰山有金銀之氣則光或曰木石之異者山  
靈鬼物附之則光或曰雲雨射日如蟬鍊則光  
此皆諱言於佛故要之六合神奇多難意度乃  
與元承慶茲游之遭題名于天門石而太元承  
者劉君奕余天台王士性也





蜀都

錦江

錦江

錦江

錦江

錦江

錦江


錦江

錦江

錦江

錦江

蜀都













西溪大壑

勝子峰

九嶺岡

涼風閣

王太初先生五岳遊草卷六

章安馮甦再來重輯

門人陳捷穎侯全校

男永年硯珍

○楚游上

記四首

太和山游記

太和山一名武當。地隸均。均。春秋時麇國也。道書稱玄君降于神農之世。為淨樂國太子。乃亦

治塵緣是上昇。我明文皇感而尊為帝時。賜太  
岳名。至肅皇復尊稱玄岳。欲以冠五岳云。武  
當者。則水經已先之矣。志稱山擁七十二峯。三  
十六岩。二十四澗。周環八百餘里。謂此天下名  
山。非玄武不足以當之。然乎哉。山既以檀字內  
之。勝而帝又以其神顯。四方士女。持瓣香戴聖  
號。不遠千里。號拜而至者。蓋肩踵相屬也。余以  
戊子十月望。抵襄陽。取道穀城。次日宿界山。又  
次日經草店。乃入山。過治世玄岳。棹楔忽長岡。

綰轂路窮從左入已乃更曠朗右綰亦如之松  
杉滿門廊廡翼張是為遇真宮左廡鑄三丰真  
人像豐順瓠領銳目方面髭磔出如戟殊不類  
所謂閒雲野鶴山澤之癯黃冠出斗蓬扇杖各  
一皆範銅為之真人所有御者則已移入上方  
矣餘畢乃從右綰出始入仙關自此咸為馳道  
至山頂繇元和田龍二觀顧瞻聖母滴淚池久  
之蓋行三十里而抵太子坡子扼陂池之隘為  
復真觀繚以周垣鍊以重關入已從吏請下卧

榻○焉○已○乃○蒼○然○暮○色○自○天○柱○峯○至○四○山○野○燒○忽○  
起○風○從○壑○底○吹○燐○上○如○乳○螢○過○短○牆○余○卧○視○不○  
能○寐○次○早○西○行○十○里○而○至○龍○泉○觀○對○天○津○橋○  
流○九○渡○澗○其○下○澗○道○幽○絕○始○入○行○棧○磴○中○出○翠○  
微○穿○恠○石○忘○其○返○也○已○復○沿○澗○上○除○道○曲○折○逾○  
時○乃○望○見○紫○霄○宮○背○展○旗○峰○若○負○衆○石○障○鉄○  
色○橫○上○方○千○仞○前○對○竈○門○峰○雲○氣○常○如○炊○烟○左○  
右○翼○山○拱○而○出○脚○兩○員○阜○為○大○小○寶○珠○金○水○渠○  
寶○小○寶○珠○匯○焉○泓○停○縹○碧○名○禹○跡○池○亭○其○上○池○

右山為福地。道書七十二之一也。入宮登百級之堦。池三日月七星。泉二真一大善。宮後轉山。枿石竅處名太子岩。好事者為書蓬萊第一峯。岩上又為三清石。削不可上。其下則棚梅園。歲貢實也。園右萬松亭。松杉翳天。從此跨山而去。路甚徑。然宮外古道甚治。余仍由官道。掠三公五老諸峯。過棚梅祠。回望北壁。嵌岩繡柱。恍若蓬壺。問之南巖也。然余欲登頂急。舍之去。每過巔崖。石必有道。流結窩其上。垂雙繩于下。甚



此非  
手如  
過景  
作氣  
世界  
神氣

至坭。枯樹中。經年不出。然非必皆清流也。止  
眩奇。以求施耳。有頃。至杉木林。分二歧。從左。則  
下輿杖履。攀索而上。天門。余乃右行。山之陰。下  
澗。披灌莽。挾左右奇峰而上。積雪皚皚。滿叢薄。  
不化。十里許。而至朝聖門。乃得當太和山。子  
立七十二峯之中。即天柱峯也。峰頭南北長七  
丈。東西半之。玄武正位。四神在列。貯以金屋。承  
以瑤臺。擁以石欄。倚以丹梯。繫以錢紐。護以紫  
金城。闢四門。以象天闕。羊腸鳥道。飛磴千尺。香

爐。燭。三。峰。恍。惚。當。席。前。俄。有。白。雲。一。片。西。來。  
 起。足。下。籠。金。屋。之。上。而。止。茫。然。四。顧。身。影。縹。緲。  
 顚。氣。淋。漓。而。俱。夫。非。天。上。五。城。十。二。樓。耶。山。既。  
 斗。絕。無。尋。丈。夷。曠。之。阿。諸。道。流。倚。崖。之。半。架。木。  
 而。栖。椽。桷。借。地。頂。與。崖。齊。重。樓。層。閣。疊。累。以。居。  
 如。蜂。房。之。結。綴。而。累。也。罡。風。刺。起。吹。屋。離。  
 崖。駢。肩。動。搖。欲。墮。不。墮。又。如。坐。樓。船。蕩。漾。于。驚。  
 濤。怒。浪。中。而。彼。了。不。為。意。也。蓋。習。之。矣。已。循。城。  
 下。禮。元。君。聖。父。母。諸。殿。遶。出。天。柱。峰。後。盼。尹。喜。

岩挽懸于三天門而下。三門從山頂直落如矢。幾五里餘。欄楯糾纏十步一息。至摘星橋而始就輿。復由棚梅祠抵南岩。壁崖之半為宮。後殿。後左折大石。延袤百丈如飛。竄其下。前絕大壑。蒼巖蒙茸正黑。無底天陰。籟發噫氣灑淅滿山谷。間中為紫霄岩。前一龍首石出闌外。瞰之膽落。禮神者往焚辦香于鼻。從頸上望天柱。拜以為虔。東為五百靈官閣。為雙清亭。西為南薰亭。為石枰。一臺崛起為禮斗。道絕不得至。

也。西望捨身崖上為飛昇臺。下為試心石。日已  
下。春欲去。佛子岩尋不二和尚不果。昔朱升志  
嶽謂得三大觀。棲危巔。憑太虛。如承露仙掌。擎  
出數千百丈。日月出沒其下。不如太和立神以  
扶棟宇。鑿翠以開戶牖。逞伎巧于懸崖。亂石間  
因險為奇。隨在成趣。不如南岩右虎左龍。前崔  
後武。雖當廉貞貪狼二獸之下。而環抱天成。楹  
石所棲。各有次第。不如紫霄故論太和之勝于  
其高。不平大論南岩之勝于其怪。不平其麗。論

紫霄之勝。丁其整。不于其奇。信夫。次日下南岩。而趨五龍宮。在靈應峰曲去岩就澗。愈益下。北過滴水仙侶二崖。回首昨游盡失。時木落天空。日冷。路上多虎跡。行者咸束炬。鎗金下青羊澗。久之山忽平朗。南岩天柱復隱。在西南霄漢間。踰澗復西。蓋三十里而至五龍宮。東向而北。其門以逆澗水。門外遶九曲崇墉。盤遶如乘。率然。玄帝啓聖二殿。塔合九重。前後百五十二級。足稱帝居矣。殿前天地池。二龍井。五右廊。

陰日月二池如連環然。日池黛月池縑。可異也。  
左為玉像殿。紫玉蒼玉。紫玉碧玉各一。沉香一。  
咸肖帝像。高數寸。云得之地中。太宮半里自然。  
庵道士李素希舊隱也。僦不歆往。取其所藏。  
敕視之。渡磨針間。謁聖姥祠。又過仙隱岩。則趨  
玉虛宮。玉虛乃負展旗北。為遇真故址。三丰真  
人嘗遇此。云是後當大顯。宮內為殿者三。亭稱  
之。為樓望仙者一。齋堂浴堂鉢堂雲堂園堂為  
堂者五。東西為道院者二。遇真仙源游仙東萊

仙都登仙爲橋者六。崇簷大榭。高垣馳道。鉅麗  
不下王宮。紫霄五龍。又未有能先之者矣。出王  
虛。仍歸遇真宿焉。次日行三十里至迎恩宮。  
在石板灘。當鄖襄孔道。又十里而至均州淨樂  
宮。規城而半之。然規模猶謝王虛也。山之靈  
奇。更僕未悉。竹憾者山饒水溢。諸宮泉池。僅涓  
流焉已。若山頂。則已窖雪而飲之。至宮庭之廣。  
土木之麗。神之顯于前代。亡論其在今日。可謂  
用物之宏也矣。志云聚南五省之財。用人二十

一萬作之十四年而成大哉我文皇之烈乎。非神道設教。餘山安望其儔匹耶。

### 廬山游記

山海經云。廬江出三天子鄣。入江彭澤西。蓋謂廬山也。或又云。殷周際有匡續先生者。隱居此山。仙去。唯廬存。人因以命其山。余少讀遠公記。與歐陽子廬山高。心識之。已余來粵。藩維舟揚。瀾左蠡。望乾維。有山如黛。與友人毛翰卿自南康問道往信廬山也。則遂行十里至開先寺。



倚鶴鳴峰下。南唐李中主幼慕物外。問舍茲山。  
後賜名開先寺。故寺後有讀書臺。後石壁鐫  
黃太史七佛偈。與陽明先生紀宸濠事。王敬美  
為書寶墨亭。下亭登雲錦樓。面錦屏山而峙。下  
有洗墨池。右轉紫氛閣。觀西南兩石筍。廉利挿  
天。為雙劍峯。雙劍之南。一員阜矗立。為香爐峰。  
每遇雨。返照紫烟。縷々從香爐出也。鶴鳴之右。  
水奔灑成千百縷。而短曰馬尾水。雙劍之左。懸  
挂千百丈如匹練。而長曰瀑布泉。二流合山峽。

石扇礧。旬中為青玉峽。出峽練飛而紆。滙為龍潭。前有小石坎。為浴仙池。從潭引水過石溜。鑿為泓。曰龍井。亭其上。為漱玉。今廢。立小石塔。當之。而亭其南崖。石欄倚碧。飛沫時上。人衣袂景勝也。李白云。銀河倒掛三石梁。今無之矣。出寺北走慶雲峰。下為萬杉寺。惟餘龍虎慶嵐四大字在。邃壑一杉不存。復行東北廿里。循五老峰坡陀南下。一山而四環之。唐李渤。馴白鹿讀書其中。枕溪石寢處。為白鹿洞。昇元中建廬山國。

學晦翁為請書賜額。拓而大之。與嵩陽石鼓嶽  
麓。竝禮聖殿居中。左右列書屋百楹。以廩餼諸  
來學者。石鐫風雩釣臺枕流漱石字。晦翁手跡  
居多。洞前水自凌雲來。泮泮下石峽。東為洗心  
橋。亭於其上。為默對。又亭默對之上。為聞泉重  
山。若抱古松千樹。丙夜天籟叫號。如波濤起松  
間。拉水聲度嶺太往。令人起訝。床頭風雨鳴  
也。面山亭為高美。高美西下為大意。又過濯纓  
橋。西有釣臺石。稍北亭為朋來。朋來一亭。則躬

在山之巔。登亭。眺五峰。曉削橫列天。表時有白  
雲。衣之真如五老人。軒然連袂。倚立下。窺重湖。  
李青蓮愛其勝。卜築焉。五老南下有獅子峰。其  
東北有九疊屏。下有二疊水。以日落。遠未能  
至。宿洞中。次日大雨。翰卿循山麓北行。余乃筍  
輿問天池路。後西南回二十里。至棲賢橋三峽  
澗。出焉。兩崖峭壁。水墮下百仞。聲撼山谷。再上  
十里而過楞伽院。又十里山陡絕。無路下輿而  
步。策短筇。搦以兩人。猶十步五墮。失足頓齒。凜

凜不自持。大石亭以上。兩翻盆下。益無著趾處。  
頗似太華諸險。然嵐石奇恠。不如又過小石亭。  
至含鄱口。乃匍匐上大漢陽峰。佳廬無主。山以  
高下。各自雄長。大漢陽最高。五老次之。登漢陽  
四望。乃知此山拔地無倚。自高梁迤邐而來。東  
南北三面。據江湖之會。其西則大陸群山所奔  
奏也。南望鄱湖。烟水蒼茫。輕鷗片片。落星一點。  
明鏡之翳也。北望九江。盡乎湓浦。風帆上下。千  
里瞬息。順流而東。則石鍾大小孤山之所錯。而

踞也。其時兩脚初斷，仰見青天，懶雲歸山，雄風  
出壑，快哉披襟不忍去者久之。已下嶺而北，路  
稍夷，然大石千百，闌卧如群羊，恨無王方平叱  
之去。十里而至擲筆庵。又五里而入天池寺，以  
前二池，世稱帝釋天尊手植也。西有聚仙亭，以  
祀周顛、天眼、赤脚徐道人。又西，片石危立，瞰無  
底谷。一老松偃蓋卧前，為文殊臺。漏下月明，有  
火光自空來，一化為百，如亂螢落臺前，是為佛  
燈臺。前有白石，霽後日射之，五色隱起，是為佛

光石上有石浮圖。是為佛舍利塔。南下有捨  
身崖。有獅子岩。下為錦澗。隔澗為鉄船峰。  
覽畢。夜分禪榻宿。次日行東北里許。石阜卓立。  
為白鹿昇仙臺。有高皇帝傳周顛碑。又東北  
數百武。石竅成洞。上石縫叅差如指。為佛手  
岩。北蒼嵯峨。嶮下臨不測。一徑縈紆。廣不盈  
咫尺。望之如畫圖。然路窮處為訪仙亭。下二石  
突起為鍾鼓山。浚隸竹林寺三字。寺隱名存。風  
雨時有鍾梵聲。周顛蓋于此示幻云。又數里。

為大林寺。有兩寶樹。昔西域僧自其土携種之。鳥雀不栖。其一為兩龍挾風雷拔去。今尚卧路側也。乃循披霞亭下。甘露亭為竹林後門。又過躡雲亭。至錦繡亭。鳥道百盤。始抵山麓。後行二十里入東林寺。晉遠公所開山也。山門外水為虎溪。有三笑亭。其墻猶鬼壘故址也。門內左右為康樂所鑿蓮池。其右尚存。遠造寺時。木自池中溢出。為神運殿。池今故在殿下。遠公影堂後為冰壺泉。覽十八賢像。想其素心。盡洗腸中。



積垢默淵明醉石與栗里柴桑康王谷陸羽泉  
在錦澗橋西未至也又北過太平宮翰卿始從  
石塘來會山中短松瘦竹五月披裘三月桃始  
華氣候大都後一月至烟雲雨霧膚寸觸石一  
日無慮十數變則瓌奇之至也矣傳稱此山詠  
真之天周迴千七百里今登漢陽峰一目盡之  
未然也白玉經謂二百餘里似為近之然禹貢  
山川不登秩祀自匡君始至遠公李博士而著  
固知地以人顯自古記之皆歲在己丑仲夏朔

日

# 楚江識行

楚本澤國。環亘六千里。洞庭左蠡。江漢皆楚也。今為豫章。鄂渚諸郡。古今所盛。稱江樓澤宮。奇島巨浸。多入粵所必繇。如買舟信江而抵洪。都閣則有滕王湖。則有鄱陽。滕王為唐元嬰。嘗都督洪州。工書畫音律。善峽蝶。時乘青雀舫。選芳洲渚。今帝子風流遠矣。閣其舊址于章江門外。高五十尺。四周步欄。咸複陸閣道。垂以簾櫳。

下刺三王詞與韓昌黎記章貢二水自西南來  
蜿蜒右角去東北入湖凭欄浩淼無際鄱陽一  
名彭蠡又名揚瀾左蠡居南饒九江四郡之中  
春水方漲挂帆截洞瞬息百里茫無津涯足配  
洞庭霜降水落則長堤曲岬縱橫秋草而已中  
有徐孺子亭蘓雲卿隱居東則康山功臣祠  
高皇與雋漢百戰之地也東北為古敷淺源水  
與豫章鉄柱井盈涸相上下湖北窮處落星一  
島翳于鏡中是為星子縣書院則有白鹿宋四

大書院。楚居其三。白鹿則踞匡廬之支。對平岫。  
臨碧流。松杉千本。夜半隨風作濤。謖。出鄱湖。  
晨坐大意亭。五老翠色未收。往。若俯視。與溪。  
上人語者。洞在禮聖殿後。石壁刻晦翁墨跡。為。  
多。此山水之京秀者也。出湖口水。則有江島。則。  
有大孤。小孤。大江出蜀三峽。合漢沔。七澤。九江。  
之水而下。怒濤射日。翻空。至湖口。復會湖水。二。  
山浮水面。直截狂流。與鞋山相望。為砥柱。近縣。  
又有石鍾寺。弄月最佳。過潯陽。至黃岡磯。則有。

赤壁亦名赤鼻蘓子云東望夏口西望武昌非  
孟德之困于周郎者乎或云此蘇公所賦非孫  
曹戰處也。曉榭出高櫓下三面臨水平洲淺渚  
多蘓蓼亂流浴鷗飛鷺晴日為勝。溯游至鄂渚  
水則有漢磯則有黃鶴阿閣翬飛乃臨城頭周  
立十二楹拓架作菱花狀雕欄畫棟麗譙無競  
巧于此者坐對晴川丹朱在目鸚鵡洲浮其上  
漢水自西來數千里注其下曠望視滕王過之  
又朔而上巴陵磯則有城陵湖則有洞庭樓則

有岳陽島。則有君山。城陵乃江湖交處。風檣千  
樹。烟火萬家。岳之巨鎮也。夏漲則江濁而湖高。  
以清。秋落則江清而湖低。以濁。湖盤三郡。瀕澹  
皛。漾。齊。早。潦。而視彭蠡為深。登岳陽樓望之。浮  
白天際。杳不見四山。有無。日月若晨昏。出沒其  
中者。時而長風鼓浪。可高于屋。風平浪恬。則君  
山浮黛如螺髻。然故三樓望遠。又以岳陽為甲。  
觀山上祠湘君夫人。傍有酒香亭。柳毅井。時暴  
風。顛余舟。飄半掠水。怒與毛翰卿曰。此錢塘武。

夫為暴耶。余安得袖青蛇劍。坐洞庭。君珊瑚床。  
上手執君山竹如意。叱而殲之。翰卿握手曰。咄。  
嗟。毋益其暴也。日午乃渡。過三十六灣。則湘流  
之曲也。瞻衡岳近矣。長沙書院。則有岳麓。衡陽  
則石鼓。夫白鹿秀而間。結約岳麓。隴而動鬱蒸。  
惟石鼓當蒸湘之合。通九疑地穴。石崖斬削。居  
爽塏而視莽蒼。故三澤宮。又以石鼓為高第。舞  
雩沂水。致足樂焉。自此沿瀟水。則登九疑。余乃  
循湘流。而入桂林。王生曰。楚在春秋時。擯為外

又是  
一體  
當盡  
家  
品

藝。今聲名文物。乃甲大江之北。然而洞庭。彭蠡。長江。巨漢。非有加也。以昔若彼。以今若此。豈天運地脉。亦待人事而齊哉。

吊襄文

襄陽。當漢之下。委居江之上。游西南。疊嶂。東北。環流。用武。則英雄。戰爭。治遊。而舟車。輻輳。矧也。地靈。夙多。耆舊。遺踪。百世。天地。悠。夫。非。問。奇。吊古者之所扶目。而窮按也。耶。余也。歲在困敦。律中南呂。艤棹江陵。攬轡荆西。携尊藉草。首憇。





五。古。詩。三。首。  
習池青山後。倚碧沼前。規亭臺丹堊物。是人非。  
余仰天擊岳。欲招山公。魂起而拍手。銅鞮喜馬。  
上之醉翁者。誰家兒耶。今非其時矣。連岡左轉。  
是為峴首桓楹。豐碑化為烏有。青蓮居士不云。  
乎。晉朝羊公一片石。龜頭剝落。生莓苔。淚亦不。  
能為之墮。心亦不能為之哀。白之懷。與漢水俱。  
長矣。余三復朗吟。仍下拜于公像而去。太之郡。  
城。遂行。大堤白水。滿江平。沙如砥。月明芳草王。  
孫路。迷誰家女郎。蜀歌連袂。蓋余蔭喬木。誦錯。

薪而知江漢之好遊也。自昔記之矣。郡東北隅  
為夫人城。雄圖烈。丈夫之英哲婦城。哲夫  
而傾余登陴而望。有深慨焉。樊城以西有水齋  
然凝碧。百仞為萬山。潭勒石沉之。陵谷倘遷區  
區之功。何異觸蠻。余觀沉碑墮淚。而因嘆二子  
度量之相越也。西北高岡。是為隆中。考槃在澗  
山谷。龍窠有士。高卧管樂。自雄三顧。後出為世  
人。龍余嘗行南陽道中。假宿草廬。時惟風雷之  
夕。林木震撼。乃夜半披衣。詎卧龍欲起也。陳晦

王伯謂非宛南陽乃襄陽之墟者是鹿門山裡龐  
公隱處米鑑同清賢者避世惟孟夫子亦稱天  
游江村月色晚渡歸舟余慨然想見三君子遺  
世之風雖執鞭所忻慕焉緬懷杜陵子美故宅  
落魄不歸天涯作客白酒牛炙藁葬來陽大雅  
千年朽骨為香余昔行浣花草堂拜其遺像而  
躊躇者久之瞻茲故鄉悲斯人之流落無成而  
稷卨空許也世之以詩人目公者後之乎其識  
公矣嗟士君子尚友古人得遺言于敗簡恨不

識其面貌問其子孫况余之履斯地也婆娑乎  
斷碑殘碣眇眇其故趾荒墳僂仰今昔有不為  
之泣下霑襟者乎雖然咸与其人俱往矣事異  
時遷古今旦暮惟此山川依然如故即峴山之  
泣非襄陽之舊事乎羊叔子曰自有宇宙便有  
茲山由來賢達勝士登此者何限而皆湮滅無  
聞然則余之可紀者數公耳又多乎哉嗚呼九  
原可作吾誰與歸後余而來遊者与余之視數  
公又何如





大岳  
又名玄岳









廣陽峯

舍利塔

奇亭

方丈亭

天池

張仙亭

文殊臺

舍利塔

鐘樓

雙劍峯

蓬萊洞

香煙峯

關帝亭

屏鏡

龍井

松池



